



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

Broj: 01-9-02-2-3096/23  
Sarajevo, 27.06.2023.godine

**SKUPŠTINA KANTONA SARAJEVO**  
n/r predsjedavajućeg Skupštine

**PREDMET:** Odgovor na zastupničko pitanje zastupnika Čičić Davora-dostavlja se;

**VEZA:** Vaš akt broj:01-04-39-9/23 od 12.06.2023. godine;


U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo odgovor na zastupničko pitanje zastupnika Čičić Davora, pripremljen od strane Uprave policije Ministarstva unutrašnjih poslova Kantona Sarajevo.

S poštovanjem,

**Prilog:**

-Akt MUP, Uprava policije broj:02/1-104/23 od 27.06.2023. godine,

-CD x1.



**Dostaviti:**

1. Naslovu;
2. Stručna služba Vlade Kantona Sarajevo;
3. Za objavu na web stranici Ministarstva;
4. a/a.



Adresa: Sarajevo, La Benevolencija 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

27-06-2023

414

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo unutrašnjih poslova  
Uprava policije



Босна и Херцеговина  
Федерација Босне и Херцеговине  
**КАНТОН САРАЈЕВО**  
Министарство унутрашњих послова  
Управа полиције

Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs  
Police department

**Broj:** 02/1-104/23

**Datum:** 27.06.2023. godine

**MUP KANTONA SARAJEVO**  
**-n/r S e k r e t a r a**

**PREDMET:** Zastupničko pitanje zastupnika Čičić Davora, odgovor, d o s t a v l j a s e .

**VEZA:** Vaš akt broj: 01-9-02-2-3096/23 od 19.06.2023. godine.

Zastupnik Čičić Davor u skladu sa članom 213. stav 1. Poslovnika Skupštine Kantona Sarajevo ("Službene novine Kantona Sarajevo", br. 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka), na Prvoj hitnoj sjednici Skupštine Kantona Sarajevo, održanoj dana 09.06.2023. godine, uputio je zastupničku inicijativu koja glasi:

**Zastupnička inicijativa:**

„Klub SDP-a upućuje inicijativu da se održi sastanak premijera vlada Federacije BiH i KS i resornih ministara zbog hitne potrebe donošenja Zakona o izmjenama i dopunama Zakona o prekršajima FBiH, Zakona o izmjenama i dopunama Zakona o izvršnom postupku i Zakona o izmjenama i dopunama Krivičnog zakona FBiH, te potrebe za kreiranje novih tekstova spomenutih zakona, a sve sa namjerom pooštavanja i osavremenivanja kaznene politike u FBiH“.

Putem svojih parlamentaraca u Parlamentarnoj skupštini BiH i ministara i zamjenika ministara u Vijeću ministara BiH, SDP BiH će insistirati na hitnim izmjenama Zakona o osnovama bezbjednosti saobraćaja na putevima u BiH.

Sve spomenute izmjene potrebno je hitno usvojiti na osnovu prijedloga stručne radne grupe Ministarstva unutrašnjih poslova KS i Prekršajnog odjeljenja Općinskog suda u Sarajevu“.

**Odgovor:**

Tokom 2017. godine od strane federalnog ministra pravde Federacije Bosne i Hercegovine oformljena je Radna grupa koja je sačinila Nacrt zakona o izmjenama i dopunama Zakona o prekršajima Federacije Bosne i Hercegovine. Na osnovu ovog Nacrta Vlada Federacije Bosne i Hercegovine je utvrdila Prijedlog navedenog Zakona uputivši ga u parlamentarnu proceduru u skraćenom postupku, koji je potom usvojen 2019. godine u Predstavničkom domu Federacije Bosne i Hercegovine, ali koliko nam je poznato, nije stavljen na dnevni red ili nije usvojen u Domu naroda

Adresa: Sarajevo, La Benevolencija 16  
Tel: + 387(0)33 286-704, Fax: + 387(0)33 221-024  
Web: <http://mup.ks.gov.ba>, Email: [sefureda@mup.ks.gov.ba](mailto:sefureda@mup.ks.gov.ba)



Federacije Bosne i Hercegovine, što se može provjeriti. U radu navedene Radne grupe učestvovali su predstavnici Federalnog ministarstva pravde Federacije Bosne i Hercegovine, Porezne uprave Federacije Bosne i Hercegovine, sudije nadležnih općinskih i kantonalnih sudova u Federaciji Bosne i Hercegovine, kao i predstavnici određenih kantonalnih ministarstava unutrašnjih poslova, među kojima je bio i predstavnik Uprave policije Ministarstva unutrašnjih poslova Kantona Sarajevo. Tom prilikom su inkorporirane i odredbe koje se odnose na novi koncept „prinudne naplate novčanih kazni, troškova postupka i drugih mjera izrečenih prekršajnim nalogom ili putem sporazuma o sankciji“ i uveden je novi institut „zamjene novčane kazne u kaznu zatvora“, a potpuno je napušten koncept „lišenja slobode zbog neplaćanja“.

Također, kada je u pitanju primjena drugih zakona, kao što su Zakon o osnovama bezbjednosti saobraćaja na putevima u Bosni i Hercegovini, Zakon o poreznoj upravi Federacije Bosne i Hercegovine i drugi propisi, smatramo potrebnim da se izvrši analiza istih, a sve u cilju donošenja odgovarajućih rješenja koja bi otklonila određene nejasnoće i time se doprinjelo efikasnijoj primjeni zakona i podzakonskih propisa u cilju sankcionisanja počinitelja prekršaja i sprečavanju istih da izbjegnu sankciju, odnosno plaćanje novčanih kazni.

S tim u vezi, smatramo da je potrebno formirati novu Radnu grupu u koju je potrebno imenovati predstavnike gore navedenih ministarstava, uprava i sudova, a koja bi izvršila analizu ranije predloženih rješenja, uvažavajući uočene nedostatke u dosadašnjoj primjeni Zakona o prekršajima Federacije Bosne i Hercegovine i drugi zakona i podzakonskih propisa koji su u međusobnoj vezi, te predložila odgovarajuća rješenja, odnosno izmjene i dopune zakona i podzakonskih propisa, u čiji sastav predlažemo i predstavnika Uprave policije Ministarstva unutrašnjih poslova Kantona Sarajevo.

S poštovanjem ,

